

四庫全書

集部

欽定四庫全書

御定佩文齋詠物詩選卷二十四

春類

三言古

代春日行

宋鮑照

獻歲發吾將行春山茂春日明園中鳥多嘉聲梅始發  
桃始青汎舟艤齊櫂驚奏採菱歌鹿鳴風微起波微生  
絃亦發酒亦傾入蓮池折桂枝芳袖動芬葉披兩相思

兩不知

四言古

青陽

漢 鄒子樂

青陽開動根荄以遂膏潤并愛跂行異逮霆聲發榮燭  
處傾聽枯橐復產迺成厥命衆庶熙熙施及天胎羣生  
嗟嗟唯春之祺

五言古

雜詩

晉 張協

太昊啟東節春郊禮青祇鷹化日夜分雷動寒暑離飛  
澤洗冬條浮飈解春澌采虹纓高雲文虬鳴陰池沖氣  
扇九垠蒼生衍四垂時至萬寶成化周天地移

大道曲

晉謝尚

青陽二三月柳青桃復紅車馬不相識音落黃埃中

失題

晉郭璞

青陽暢和氣谷風穆以溫英蓮曜林蒼昆蟲咸啟門高  
臺臨迅流四座列王孫羽蓋停雲陰翠鬱映玉樽

齊王儉

春

蘭生已匝苑萍開欲半池輕風搖雜鶯細雨亂叢枝

其二

風光承露照霧色點蘭暉青羨結翠藻黃鳥弄春飛

春夕

王儉

露華方照歲雲彩復經春虛闔稍疊草幽帳日凝塵

春遊迴文詩

齊王融

枝分柳塞北葉暗榆關東垂條逐緒轉落蕊散花叢池

蓮照曉月慢錦拂朝風低吹雜綸羽薄粉艷粧紅離情  
隔遠道歎結深閨中

春歌

梁武帝

階上香入懷庭中花照眼春心一如此情來不可限

晚春

梁蕭統

紫蘭葉初滿黃鶯美始稀石蹲還似獸蘿長更勝衣水  
曲文魚聚林暝鴉鳥飛渚蒲變新節巖桐長舊園風花  
落未已山齋開夜扉

晚日後堂

梁簡文帝

慢陰通碧砌日影度城隅岸柳垂長葉窗桃落細跗花  
留蝶粉竹鬢蜻蜓珠賞心無與共染翰獨踟蹰

和劉上黃春日

梁元帝

新鶯隱葉轉新燕向窗飛柳絮時依酒梅花乍入衣玉  
珂逐風度金鞍快日暉無令春色晚獨望行人歸

望春詩

元帝

葉濃知柳密花盡覺梅疎蘭生未可握蒲小不堪書

初春

梁沈約

夾道覓陽春相將共攜手草色猶自腓林中都未有無事逐梅花空教信楊柳且復共歸來含情寄杯酒

春日貽劉孝綽

梁蕭瑱

澗水初流碧山櫻早發紅新禽爭美響落蕊亂從風拂筵多軟榦映戶悉花叢誰云相去遠垂柳對高桐

當春四韻同左丞

梁江淹

雷萌山中草雲煦江上花流煙漾璇景輕風泛凌霞我

有幽蘭念銜意矚里斜友人殊未還獨憇檐前華

春郊

梁虞 義

光風轉蕙晦香霧鬱蘭津暄遲蝶美鷺景麗鳥和春棋  
歌喧壘暮漁樵亂江晨山中芳杜若依依獨思人

春日臨池

北魏 溫子昇

光風動春樹丹霞起暮陰嵯峨映連璧飄飄下散金徒  
自臨濠渚空復撫鳴琴莫知流水曲誰辨遊魚心

春日

北齊 陽休之

遲遲暮春日靄靄春光上柔露洗金盤輕絲綴珠網漸  
看階蓮蔓稍覺池蓮長蝴蝶映花飛楚雀緣條響

早春

北周宗懷

昨暝春風起今朝春氣來鶯鳴一兩轉花樹數重開散  
粉成初蝶剪綵作新梅遊客傷千里無暇上高臺

春日

陳徐陵

岸煙起暮色岸水帶斜暉徑狹橫枝度簾搖驚燕飛落  
花承步履流澗寫行衣何殊九芝蓋薄暮洞庭歸

陳江總

春日

水苔宜溜色山櫻助落暉浴鳥沉還戲飄花度不歸

春初賦得池應教

陳江總  
張正見

遙天收密雨高閣映奔曦雪盡青山路冰消綠水池春  
光落雲葉花影發晴枝琴樽奉終宴風月豈云疲

春晚庭望

北齊蕭慤

春庭聊縱望樓臺自相隱窗梅落晚花池竹開初笱泉  
鳴知水急雲來覺山近不愁花不飛到畏花飛盡

首春

唐太宗

寒隨窮律變春逐鳥聲開初風飄帶柳晚雪間花梅碧  
林青舊竹綠沿翠新苔芝田初鴈去綺樹未鶯來

早春桂林殿應詔

唐上官儀

步輦出披香清歌臨太液曉樹流鶯滿春堤芳草積風  
色翻露文雪花上空碧花蝶來未已山光暖將夕

立春後五日

唐白居易

立春後五日春態紛婀娜白日斜漸長碧雲低欲墮殘

冰折玉片新萼排紅顆遇物盡欣欣愛春非獨我迎芳  
後園立就暖檐前坐還有惆悵心欲別紅爐火

春晚寄楊十二兼呈趙八

白居易

蒙蒙竹樹深簾牖多清陰避日坐林影餘花委芳襟傾  
尊就殘酌舒卷續微吟空隙颺高蝶風中聆素琴廣庭  
備幽趣復對商山岑獨此愛時景曠懷雲外心遷鶯戀  
嘉木求友多好音自無琅玕實安得蓮花簪寄之二君

子希見雙南金

谿中早春

白居易

南山雪未盡陰嶺留殘白西澗冰已消春溜含新碧東  
風來幾日勢動草萌拆潛知陽和功一日不虛擲當此  
天氣暖來拂谿邊石一坐欲忘歸暮禽聲噴噴蓬蒿隔  
桑棗隱映煙火夕歸來問夜餐家人烹薺麥

遣春

唐元稹

花陰莎草長藉草閒自酌坐看鶯鬪枝輕花滿樽杓葛  
巾竹梢掛書卷琴上閣沽酒過此生狂歌眼前樂

郡齋三月下旬作

唐崔護

春事日已歇池塘曠幽尋殘紅披獨墜嫩綠間淺深偃  
仰睇芳緝顧步愛新陰謀春未及竟夏初遽見侵

惜春

唐杜牧

春半年已除其餘強為有即此醉殘花便同嘗臘酒悵  
望送春杯殷勤掃花帚誰為駐東流年年長在手

次韻春思

元趙文隆

凍樹回春陽羈禽競新嘆喧喧人語浮稍稍春事動澄

心絕芳華小睡足幽夢夢覺天宇新朝光集飛棟

七言古

附長短句

春日戲題惱郝使君兄

唐杜甫

使君意氣凌青霄憶昨歡娛常見招細馬時鳴金騾襄  
佳人屢出董妖嬈東流江水西飛燕可惜春光不相見  
願攜王趙兩紅顏再騎肌膚如雪練通泉百里近梓州  
請公一來開我愁舞處重看花滿面尊前還有錦纏頭

陽春曲

唐溫庭筠

雲母空窗曉煙薄香昏龍氣凝輝閣霏霏霧雨杏花天  
簾外春威著羅幕曲欄伏檻金麒麟沙苑芳郊連翠茵  
廄馬何能齧芳草路人不敢隨流塵

送春曲

宋范浚

春光春光勸汝一杯酒我能為春作高歌未解春能聽  
歌否春歸有底急落盡桃花紅園谿漠漠野陰靜兔葵  
燕麥空搖風風光幾何時背我忽如客殘絲欲斷感春  
心燕語勞勞上簾額我有惜芳意一春憐物華春來雪

裏索梅笑春去悵望飛楊花春歸知復來奈此斷年別  
垂楊三月暮天愁鶲鴉一聲芳草歇歌竟我亦醉一棹  
觥船空明年待春花樹下放歌擊酒相迎逢

漢宮早春曲

元薩都拉

女夷鼓吹招搖東羲和馭日騎蒼龍金環寶勝曉翠濃  
梅花飛入壽陽宮壽陽宮中鎖香霧滿面春風吹不去  
鞭却靈駕駕五山芙蓉夜煖光闌干雞人一唱曉星起  
四野天開春萬里

次春日即事韻

元周權

吳蠶欲老疇未秧拍堤野水迴橫塘淡煙疏樹綠陰薄  
落花飛絮白日長寒具油乾過冷節息憇芳事歸鵠鷁  
枕書睡足午窗明雪乳浮浮翻兔褐

春暮吟

元郭鈺

玉壺沽酒春絲絡啼鳥勸人滿杯酌落紅滿地晴香消  
濕翠如煙午陰薄畫樓玲瓏隔彩霞樓前雙鶯鳴喳喳  
想見吳帆北風起王孫明日當還家

早春寄鄉中友人

明錢宰

故園花發春又來  
碧桃半折棠梨開  
流鶯踏花酒落杯  
花飛落酒相繚迴  
酒酣起舞落日晚  
應念長安人未回  
江上舟幾時  
發拍手醉唱歸去來  
笑摘花枝簪白髮

五言律

晚春送吉校書歸楚州

唐李嘉祐

詩人饒楚思淮上  
及春歸舊浦  
菱花待閒門  
柳絮飛高  
名鄉曲重少事道  
流稀定向漁家醉  
殘陽卧釣磯

遣春

唐元稹

久雨憐霽景偶來堤上行空濛天色嫩杳綠江面平百  
草短長出衆禽高下鳴春陽各有分余亦澹忘情

春日即事

唐耿湋

鄰里朝光遍披衣夜醉醒庭廚非舊火林木發新青接  
果移天性疏泉逐地形清明來幾日戴勝已堪聽

早春

唐劉威

曉來庭戶外草色似依依一夜東風起萬山春色歸冰

消泉脉動日暖露珠晞已醞看花酒嬌鶯莫預飛

南樓春望

唐許渾

南樓春一望雲水共昏昏野店歸山路危橋帶郭郊晴  
煙和草色夜雨長谿痕下岸誰家住殘陽半掩門

九江春暮

唐曹松

楊柳城初鎖輪蹄息去蹤春流無舊岸夜色失諸峰影  
動魚邊火聲遲話後鐘明朝迴去鴈誰向北郊逢

旅遊傷春

唐李昌符

酒醒鄉關遠迢迢聽漏終曙分林影外春盡雨聲中鳥  
思江郊路花殘野岸風十年成底事羸馬倦西東

春暮

唐韋莊

一春春事好病起酒常遲流水綠紫砌落花紅墮枝樓  
高喧乳燕樹密鬪離鶯不學三公醉將何自解頤

春日晚晴

宋蘇舜欽

人言春雨好更好晚來晴樹色通簾翠煙姿著物明得  
泥初燕喜避弋去鴻輕誰見危欄外斜陽盡眼平

和元輿遊春次用其韻

宋梅堯臣

乘閒多遠興信馬與君行碧樹斜通市清流曲抱城山  
花高下色春鳥短長聲日暮吾廬近還歌空復情

春事

宋孫覲

茅棟依林出松扉傍水斜浮蒼圍百疊亂綠翳三叉屋  
破蠅書壁庭蕪鶴印沙小松供一笑已著兩三花

半山春晚即事

宋王安石

春風取花去酬我以清陰翳翳陂路靜交交園屋深牀

敷每小息杖屢或幽尋惟有北山鳥經過遺好音

春望

宋徐璣

樓上看春晚煙分遠近郊曉晴千樹綠新雨半池潭柳  
密鶯無影泥新燕有痕輕寒衫袖薄杯酌更須溫

春遊和胡叔芳韻

宋真山民

春光潑眼明占勝得新亭棠醉風扶起柳眠鶯喚醒非  
無杯泛綠安得鬢皆青且事日為樂歌聲莫暫停

春日

元陳樵

細雨花陰重輕煙草色勻驚禽長避客嬌燕却依人絃  
管紅樓酒跰蹄紫陌塵東風競遊賞因想杏園春

春遊晚歸

元葉顥

小雨雜煙霏晴光美夕暉萬紅侵酒岸空翠潤琴徽風  
襲吟翁帽雲杳野客衣殷勤花徑月寒影照人歸

春日舟行

明張時徹

出郭便如意春光盡眼中雲衣浮石淡樹杪著霞紅野  
渡添新水邱禽各占叢桃源在何許宛轉未能窮

尋春

明楊基

朝來微雨罷何處可尋春水散池容動煙銷柳意新穿  
林聽鶯遠度陌問花頻但覺相逢處相親似故人

五言排律

賦得元和布澤

唐潘孟陽

至德生成泰咸歡煦育恩流輝霑萬物布澤在三元北  
闕祥雲迴東方喜氣繁青陽初應律蒼玉正臨軒恩洽  
因時令風和比化源自慚同草木無以答乾坤

賦得新陽改故陰

唐  
紀干諷

律管纔催候，寒郊忽變陰。  
微和方應節，精慘已辭林。  
暗覺餘澌斷，潛驚麗景侵。  
禁城佳氣換，北陸翠烟深。  
有截知遐布，無私荷照臨。  
韶光如可及，鶯谷免幽沈。

省試臘後望春宮

唐  
林寬

皇都初度臘，鳳輦出深宮。  
高凭樓臺上，遙瞻灞滻中。  
仗凝霜彩白，袍映日華紅。  
柳眼方開凍，鶯聲漸轉風。  
御溝穿斷靄，驪岫照斜空。  
時見宸遊興，因觀稼穡功。

賦得春色滿皇州

唐 沈亞之

何處春輝好偏宜在雍州  
花明夾城道柳暗曲江頭風  
軟遊絲重光融瑞氣浮鬪雞憐短草乳燕傍高樓繡轂  
盈香陌新泉溢御溝行看日欲暮迴騎似川流

武德殿退朝望九衢春色

唐 曹松

玉殿朝初退天街一看春南山初過雨北闕淨無塵夾  
道天桃滿連溝御柳新蘇舒同舜澤熙煦並堯仁佳氣  
浮軒蓋和風襲縉紳自茲憐萬物同入發生辰

七言律

奉和春日出苑矚目應令

唐張說

禁林艷裔發春陽春望逍遙出畫堂雨洗亭臯千畝綠  
風吹梅李一園香鶴飛不出隨青管魚躍翻來入綵航  
睿賞歡承天保定邁文更覩日重光

奉和聖製春日幸望春宮應制

唐李適

玉華金輿天上来花園四望錦屏開輕絲半拂朱門柳

細纈全披畫閣梅蝶舞飛行飄御席鶯歌度曲繞仙杯  
聖詞今日光輝滿漢主秋風莫道才

認春戲呈馮少尹李中郎陳主簿

唐白居易

認得春風先到處西園南面水東頭柳初變後條猶重  
花未開前枝已稠暗助醉歡尋綠酒潛添睡興著紅樓  
知君未別陽和意直待春深始擬遊

春來

白居易

春來觸動故鄉情。忽見風光滿兩京。  
金谷踏花香騎入，曲江碾草鈿車行。  
誰家綠酒歡連夜，何處紅樓睡失明。  
猶有不眠不醉客，經春冷坐古濫城。

錢塘湖春行

白居易

孤山寺北賈亭西，水面初平雲腳低。  
幾處早鶯爭暖樹，誰家新燕啄春泥。  
亂花漸欲迷人眼，淺草纔能沒馬蹄。  
最愛湖東行不足，綠楊陰裏白沙堤。

正月三日閒行

白居易

黃鸝巷口鶯欲語烏鵲河頭冰漸消綠浪東西南北水  
紅欄三百九十一橋鴛鴦盪漾雙雙翅楊柳交加萬萬  
條借問春風來早晚只從前日到今朝

和樂天早春見寄

唐元稹

雨香雲淡覺微和誰送春聲入棹歌嘗近北堂穿土早  
柳偏東面受風多湖添水剗消殘雪江送朝頭湧漫波  
同受新年不同賞無由縮地欲如何

和程員外春日東郊即事

唐包何

郎官休浣憐遲日野光歡娛為有年幾處折花驚蝶夢  
數家留葉待蠶眠藤垂宛地紫朱履泉迸侵階浸綠錢  
直待閉關朝謁去鶯聲不散柳含煙

殘春獨來南亭因寄張祐

唐杜牧

暖雲如粉草如茵獨步長堤不見人一嶺桃花紅錦簇  
半谿山水碧羅新高枝百舌猶欺鳥帶葉棠梨獨送春  
仲蔚欲知何處在苦吟林下拂詩塵

長安春日

唐章碣

春日皇家瑞景遲東風無力雨微微六宮羅綺同時薄  
九陌煙花一樣飛煖著柳絲金蕊重冷開山翠雪棱稀  
輸他得路蓬洲客紅綠山頭爛醉歸

三堂早春

唐韋莊

獨倚危樓四望遙杏花春陌馬聲騎池邊冰刃暖初落  
山上雪棱寒未消谿送綠波穿郡宅日移紅影度廊橋  
主人年少多情味笑換金龜解珥貂

湖上初春偶作

宋林逋

梅花開盡臘亦盡晴暖便如寒食天春色半歸湖岸柳  
人家多上郭門船文禽相並映短草翠滋欲生浮嫩煙  
幾處酒旗山影下細風時已弄繁絃

暮春

宋張耒

夜雨輕寒拂曉晴牡丹開盡過清明庭前落絮誰家柳  
葉裏新聲是處鶯白髮生來如有信青春歸去更無情  
便當種秫長成酒遠學陶潛過此生

晚春

宋韓維

春暉東去月收弦却拂凝埃敞北軒幾曲雲屏空白晝  
一簾花雨自黃昏庭蕪碧合陰蟲息窗樹紅稀鬪雀喧

細憶舊歡都入夢賛家池上子山園

春懷示鄰

宋陳師道

斷牆著雨蠅成字老屋無僧燕作家勝欲出門追語笑  
却嫌歸鬢著塵沙風翻蛛網開三面雷動蜂窠趁兩衙  
屢失南鄰春事約只今容有未開花

春日郊外

宋唐庚

城中未省有春光  
城外榆槐已半黃  
山好更宜餘積雪  
水生看欲倒  
垂楊鶯遷日暖如人語  
草際風來作藥香  
疑此江頭有佳句  
為君尋取却茫茫

春行

宋真山民

短帽輕衫步履遲  
微暄天氣乍晴時  
池融嫩碧銷殘凍  
春剪新紅綴舊枝  
嵐氣滴衣堪入畫  
禽聲到耳足供詩  
東風苦欲招人醉  
頻掉橋西賣酒旗

柳塘送春

宋葛長庚

急雨將雷過柳塘春因底事亦歸忙經時不放荷花葉  
昨夜盡收梔子香判斷千林成夢去安排一夏納風涼  
開眉無覓愁來處數筆晴雲畫水鄉

壬戌二月

宋徐璣

山城二月景如何行處時時聽踏歌淡色似黃楊葉小  
濃香如蜜菜花多春容每到晴時改天氣偏從雨後和  
好向谿頭尋釣侶小谿連夕漲清波

壬午西域湖中遊春

元耶律楚材

二月河中草木青芳菲次第有期程花藏徑畔春泉碧  
雲散林梢晚照明含笑山桃還似識相親水鳥自忘情  
遐方且喜豐年兆萬頃青青麥浪平

暮春用唐壽卿韻

元 曹伯啟

一天晴碧日遲遲暑氣蒸人力自微幽徑雨餘芳草合  
小園風急亂花飛卧思沂上春風去夢到山陰被禊歸  
還憶去年乘小駿西湖遊罷北山園

西宮春日與吳錦衣賦

元 薩都拉

九重春色金銀闕  
冠帶將軍盡羽林  
上苑春鶯隨柳轉  
西宮午漏隔花深  
天開闔閨收金鎖  
簾捲奎光聽玉音  
白髮儒臣賣詞賦  
長門應費萬黃金

春日偕監中士友遊南城

元張翥

樓閣參差紫翠間  
微風不動綠雲閒  
柳垂禁籞絲千尺  
水繞宮溝玉一環  
春樹鳥鳴圓似筦  
夕陽馳影兀如山  
醉鞭緩緩吟歸去  
燈火城東未掩關

春日次王元章韻

元納延

翠幙金車錦駱駝芙蓉繡緝載雙娥雨晴輦路塵沙少  
風起春城柳絮多秉燭且留清夜飲倚欄猶聽隔牆歌  
山翁此日心如水夢斷江南雨一簑

春日宣則門書事簡虞邵菴

元台哈布哈

三月龍池柳色深碧梧煙暖日愔愔風粘落絮紫青慢  
燕逐飛花避綠沈仙仗曉開班玉筍雲韶春奏賜瓊林  
從臣盡獻河東賦獨有相如得賜金

春日東行

元黃鎮成

春郊冉冉散晴暉芳樹頻聞一鳥啼山驛水流花落盡  
石田雲暖麥抽齊禪房鑿路當巖半釣屋維舟近竹西  
行過野橋人語近尋源應到武陵谿

春日

元倪瓈

閑門積雨生幽草歎息櫻桃熳爛開春淺不知寒食近  
水深惟有白鷗來即看垂柳侵磯石已有飛花拂酒杯  
今日新晴見山色還須拄杖踏青苔

早春呈吳待制

明鑑炳

上林春早陌塵香紫禁觚稜射日光新綠御河搖柳黛  
小紅宮樹試桃粧山連曉氣蟠龍虎臺枕東風憶鳳凰  
心折故園幽興獨尋僧看竹過鄰牆

浦口逢春憶禁苑舊遊

明楊基

春冰銷盡草生齊細雨香濃紫陌泥花裏小樓雙燕入  
柳邊深巷一鶯啼坐臨南浦彈流水步逐東風唱大堤  
還憶當年看花伴錦衣驄馬玉門西

暮春書事

明瞿佑

睡起呼童掃落花石泉槐火試新茶樹林深處蜂王國  
簾幙陰中燕子家柳絮乘風投硯水竹枝搖影落窗紗  
幽居莫道無官況鼓吹猶存兩部蛙

擬唐長安春望

明黃閏

南山晴望鬱嵯峨上路春香御輦過天近帝城雙闕迴  
日臨仙仗五雲多鶯聲盡入新豐樹柳色遙分太液波  
漢主離宮三十六樓臺處處起笙歌

春日應制

明王鏊

奉天朝罷曉瞳曨  
勅得傳宣御苑東  
好雨晴時三月裏  
鑾輿遙過百花中  
東皇默運無言化  
南國新收不戰功  
歸坐明堂還布德  
豫遊分與萬方同

五言絕句

春夜

唐虞世南

春苑月徘徊  
竹堂侵夜開  
驚鳥排林度  
風花隔水來

春首

唐陳叔達

雪花聯玉樹  
冰彩散瑤池  
翔禽遙出沒  
積翠遠參差

初春

唐王績

春來日漸長醉客喜年光  
稍覺池亭好偏聞酒甕香

早春野望

唐王勃

江曠春潮白山長曉岫青  
他鄉臨眺極花柳映邊亭

登城春望

王勃

物外山川近晴初景靄新芳郊花柳遍何處不宜春

春歌

唐郭元振

青樓含日光綠池起風色贈予同心花殷勤此何極

絕句

唐杜甫

遲遲江山麗春風花草香泥融飛燕子沙暖睡鴛鴦

其二

江碧鳥逾白山青花欲燃今春看又過何日是歸年

春晚

唐孟浩然

春眠不覺曉處處聞啼鳥夜來風雨聲花落知多少

春怨

唐金昌緒

打起黃鸝兒莫教枝上啼時驚妾夢不得到遼西

春遊曲

唐 張仲素

煙柳飛輕絮風榆落小錢濛濛百花裏羅綺競秋千

其二

行樂三春節林花百和香當年重意氣先占鬪雞場

春江曲

張仲素

乘曉歸南去參差疊浪橫前洲在何處霧裏鴈嚶嚶

春寒

唐 徐凝

亂雪從教舞迴風任聽吹春寒能作底已被柳條欺

遊春詞

唐 令狐楚

曉遊臨碧殿 日上望春亭 芳樹羅仙仗 青山展翠屏

其二

閣闥春風起蓬萊 雪水銷相將 折楊柳 爭取最長條

春晴

唐 張 起

畫閣餘寒在 新年舊燕歸 梅花猶帶雪 未得試春衣

孟春

唐 鮑 防

江南孟春天 芹葉大如錢 白雪裝梅樹 青袍似葑田

仲春

唐謝良傳

江南仲春天細雨色如煙疎為武昌柳布作石門泉

季春

唐嚴維

江南季春天蓴菜細如弦湖邊草作徑湖上葉為船

春晚

唐李羣玉

三月寒食時日色濃于酒落盡牆頭花鶯聲隔原柳

送春

唐高駢

水淺魚爭躍花深鳥競啼春光看欲盡判却醉如泥

早春

唐 儲嗣宗

野樹花初發空山獨見時  
踟蹰洛陽道鄉思滿南枝

春日

宋 唐 庚

啼禽通夢寐芳草過比鄰暖逼花期促愁牽酒量伸

春日

宋 楊萬里

遠日隨天去斜陽著樹明犬知何處吠人在半山行

其二

霧氣因山見波痕到岸消詩人元自懶物色故相撩

其三

日落碧簷外人行紅雨中幽人詩酒裏又是一春風

春

金宇文虛中

短草鋪茸綠殘梅照雪稀暖輕還錦襪寒峭怯羅衣

春日

元劉因

遊絲困無力欲起重悠颺芳草落花滿相思春晝長

嬉春詞

明沈愚

酒盡情無極花深眼欲迷拂鞭歸去晚月在畫樓西

春歌

明 王廷陳

初華錦繡舒千林望如一懷春廢機杼縫素難成匹

六言絕句

春日偶成

元 馬臻

兩袖水風春冷一抹山煙晚晴小檻倒披花影歸船遠

送歌聲

其二

燕拂花陰繡縠人指簫聲畫樓楊柳六橋舊夢夕陽一

段新愁

七言絕句

春日

唐上官儀

花輕蝶亂仙人杏葉密鶯啼帝女桑飛雲閣上春應至  
明月樓中夜未央

春和春日

唐元萬頃

鳳輦迎風乘紫閣鸞車避日轉彤闈中堂促管淹春望  
後殿清歌開夜扉

山房春事

唐岑參

風恬日暖蕩春光，戲蝶遊蜂亂入房。  
數株門柳低衣桁，一片山花落筆牀。

春行寄興

唐李華

宜陽城下草萋萋，澗水東流復向西。  
芳樹無人花自落，春山一路鳥空啼。

江南春

唐李約

池塘春暖水紋開，隄柳垂絲問野梅。  
江上年年芳意早，

蓬瀛春色逐潮來

春早呈水部張員外

唐韓愈

天街小雨潤如酥  
草色遙看近却無  
最是一年春好處  
絕勝煙柳滿皇都

春遊

唐王涯

經過柳陌與桃谿  
尋逐春光著處迷  
鳥度時時衝絮起  
花繁衰衰壓枝低

望春詞

唐令狐楚

高樓曉見一花開便覺春光四面來暖日晴雲知次第  
東風不用更相催

其二

雲霞五彩浮天闕梅柳千般夾御溝不上黃山南北望  
豈知春色滿神州

宮前早春

唐王建

酒幔高樓一百家宮前楊柳寺前花內園分得溫湯水  
二月中旬已進瓜

三月晦日贈劉評事

唐 賈 島

三月正當三十日  
風光別我苦吟身  
共君今夜不須睡  
未到曉鐘猶是春

日日

唐 李商隱

日日春光鬪日光  
山城斜路杏花香  
幾時心緒渾無事  
得及遊絲百尺長

春日

李商隱

欲入盧家白玉堂  
新春吹破舞衣裳  
蝶銜紅蕊蜂銜粉

共助青樓一日忙

長安春晚

唐  
溫庭筠

四方無事太平年萬象鮮明禁火前九重細雨惹春色  
輕染龍池楊柳煙

早春

唐  
來鶴

新歷才將半紙開小庭猶聚爆竿灰偏憎楊柳難鈴轄  
又惹東風意繙來

松江早春

唐  
皮日休

松陵清淨雪消初見底  
新安恐未如穩凭船弦無一事  
分明數得鱠殘魚

招友人遊春

唐  
鄭雲叟

難把長繩繫跋烏  
芳時偷取醉工夫  
任堆金璧摩星斗  
買得花枝不老無

春居雜興

宋  
王禹偁

兩株桃杏映籬斜  
粧點商山副使家  
何事春風容不得  
和鶯吹折數枝花

豐樂亭遊春

宋歐陽修

綠樹交加山鳥啼  
晴風蕩漾落花飛  
鳥歌花舞太守醉  
明日酒醒春已歸

其二

春雲淡淡日輝輝  
草惹行襟絮拂衣  
行到亭西逢太守  
籃輿酩酊挿花歸

其三

紅樹青山日欲斜  
長郊草色綠無涯  
遊人不管春將老

來往亭前踏落花

戲和舍弟船塲探春

宋黃庭堅

雨餘禽語催天曉  
月上梨花放夜闌  
莫聽遊人待妍暖  
十分傾酒對春寒

春日雜興

宋唐庚

春衣初作舞雩歸  
手展韋編晝寢稀  
解使芳陰快幽意  
飛紅零落遶窗扉

得春

宋文同

去歲相違恨已賒今年相遇喜無涯紅情綠意知多少

盡入涇川萬樹花

春日

宋秦觀

春禽葉底引圓吭臨罷黃庭日正長滿院柳花寒食夜  
旋鑽新火熟爐香

其二

金屋舊題煩乙子蜜脾新採賴蜂臣蜻蜓蝶無情思  
隨例顛忙過一春

春詞

秦觀

弱雲亭午美春嬌高柳無風妥翠條  
懶讀夜書燒短髮隔垣時聽賣鴨蕭

春日

秦觀

幅巾投曉入西園春動林塘物物鮮却憩小亭才日出  
海棠花發麝香眠

春晚

宋陸游

一百五日春郊行三十六谿春水生千秋觀裏逢急雨

射的峯前看晚晴

晚春

宋宋伯仁

風蓑殘花滿地紅  
別離樽俎漫匆匆  
春光未肯收心去  
却在茶簾細影中

丁亥正月新晴晚步

宋楊萬里

嫩水春來別樣光  
草芽綠甚却成黃  
東風似與行人便  
吹盡寒雲放夕陽

其二

急下殘車踏晚晴青鞶步步有沙聲忽逢野沼無人處  
雨鴨浮沈最眼明

春日

宋范成大

藥欄花暖小猶眠雪白晴雲水碧天著酒青梅寒食過  
夕陽庭院鎖鞦韆

梁園春

金元好問

暖入金溝細浪添津橋楊柳綠纖纖賣花聲動天街遠  
幾處春風揭繡簾

其二

上苑春濃畫錦間  
綠雲紅雪擁三山  
宮牆不隔東風斷  
偷送天香到世間

其三

樓觀沈沈細雨中  
出牆花木亂春紅  
朱門不解藏春色  
燕宿鶯啼處處通

探春

元劉因

道邊殘雪護頽牆  
牆外柔絲露淺黃  
春色雖微已堪惜

輕寒休近柳梢旁

春晚雜興

元方回

豈有邪谿父老錢無朝無暮在樽前櫻桃豌豆分兒女  
草草春風又一年

其二

谿魚山筍佐新薦大勝長安上酒樓春老猶寒宿醒困  
酴醿花下擁綿裘

其三

城市塵埃不見詩西郊東塢可頻誰夏前十日嘗新麥  
正是江南最好時

其四

芳草茸茸沒履深清和天氣潤園林霏微小雨初晴處  
暗數青梅立樹陰

春寒

元黃庚

春寒料峭透窗紗睡起晴峰恰報衙怪得曉來風力勁  
滿階香雪落梨花

三月

元 刘秉忠

背陰花木錦成叢  
幽谷鶯啼上苑中  
李白桃紅楊柳綠  
天涯無處不春風

春始來

劉秉忠

三月南州草木長  
落花飛絮滿池塘  
東君也惜天涯客  
盡放春光過界牆

春日即事

元 馬祖常

梨花白罷海棠紅  
誰為韶光次第工  
小閣捲簾春事晚

停看蝴蝶過庭東

御溝春日偶成

馬祖常

水南沙路雨清塵桃李花開蛱蝶春三月京華寒食近

東風十里酒旗新

春日偶成

元薩都拉

踏馬歸來過早春空堦已見草如茵東風吹綠青谿柳  
馬上輕寒不著人

春歸

薩都拉

釀蜜筒香蜂報衙杏梁泥歇燕成家浮萍斷送春歸去  
盡向東流載落花

京城春日

元納 延

三日諸郎儂直閒繞城騎馬借花看晚來金水河邊路  
柳絮紛紛撲繡鞍

其二

黃鶴樓東賣酒家王孫清曉駐遊車寶釵換得葡萄去  
今日城東看杏花

春詞

元郭鉢

暖雲飛撲玉驄歸簾卷香風酒力微夜坐久憐明月好  
細鋪花影繡羅衣

憶春

元馬臻

斷畦零落萼花明雨過平湖水漸生坐久忽思春去遠  
綠陰濃淡隱啼鶯

春日閑居雜興

馬臻

宿雨兼風釀麥秋餘寒欲斷自遲留杜鵑啼得百花盡

却向綠陰深處愁

其二

茶香亭院一枰棋柳影侵階日自移因見刺桐花滿樹  
等閒憶得故園時

其三

花底飛觴酒浪翻纔迎春至又春殘日斜客散爐烟盡  
自洗窯瓶挿牡丹

西湖遊春即事

馬臻

遼湖無處避芳塵  
疊鼓紅旗彩鷁新  
冉冉春雲來不斷  
湧金門外踏青人

其二

南屏山色染春煙  
路接高峰社鼓喧  
第一橋邊春更好  
御舟閒在翠芳園

其三

鏤玉雕瓊簇鬧竿珠  
花翠葉鏤金籃  
東家年少貪遊冶

正值明朝三月三

其四

流蘇兩兩挂船頭繡額珠簾不上釣金縷緩歌家宴靜  
午前先入裏湖遊

其五

萬柳搖金接畫橋一清堂外景偏饒文章太守開華宴  
預報龍舟奪錦標

其六

一路亭臺閒酒家漸看楊柳綠藏鴉太平官府無民訟

補種沿隄四季花

其七

畫船過午入西泠人擁孤山陌上塵曾被弁陽模寫盡  
晚來閒却半湖春

其八

天街夜市已喧闐半掩城門玉漏傳籠燭絳紗爭道入  
湖心猶有未歸船

暮春

元僧善住

野水浮來半落紅不須惆悵怨東風春歸畢竟歸何處  
還在溪光柳影中

其二

門掩東風柳色深暮寒脈脈透衣襟春天最是無憑準  
一日才晴一日陰

其三

雨入孤城草木新香紅半逐馬蹄塵却憐杜宇無情甚  
不解迎春祇送春

其四

紅藥花開春欲歸  
綠楊陰暗燕爭飛  
晚來一陣東風雨  
又送餘寒上客衣

春景

明宣宗

水影虛涵一鏡中  
晴光搖蕩暖雲紅  
小桃花重初經雨  
弱柳絲柔屢舞風

春詞

明朱成泳

海棠枝上鶯聲乾  
羅幕重重護曉寒  
初日半林珠露重

脆紅無數壓闌干

春深即景

明 錢 宰

露梢黃鳥啄來禽  
葉青蟲絡樹陰又是綠  
階春雨歇  
滿庭芳草落花深

春望


明 楊 慎

滇海風多不起沙汀洲  
新綠遍天涯采芳亦有江南意  
十里春波遠泛花

春望

明 李先芳

芳草淒迷一徑斜  
淡煙陳雨噪新鴉  
城南春色濃于酒  
醉殺千林桃杏花



御定佩文齋詠物詩選卷二十四

欽定四庫全書

集部

御定佩文齋詠物詩選卷二十一

詳校官侍郎臣李 封

主事銜臣徐以坤覆勘

總校官檢討臣何思鈞

校對官中書臣王 瓊

謄錄監生臣湯安泰

欽定四庫全書

御定佩文齋詠物詩選卷二十五

立春類

五言古

立春日汎舟玄圃

陳後主

春光反禁苑曖日暖源桃霄煙近漠漠暗浪遠滔滔石苔侵綠蘚岸草發青袍迴歌逐轉楫浮水隨度刀遙看柳色嫩迴望鳥飛高自得欣為樂忘意若臨濠

立春

陳徐陵

風光今旦動雪色故年殘薄夜迎新節當爐却晚寒奇  
香分細霧石炭擣輕丸竹葉裁衣帶梅花奠酒盤年芳  
袖裏出春色黛中安欲知迷下蔡先將過上蘭

五言律

立春後

宋戴復古

久望春風至還經閏月遲梅花丈人行柳色少年時愛  
酒常無伴吟詩近得師離騷變風雅當效楚臣為

其二

東風吹竹屋無數落梅花凍雀棲檐角饑鳥啄草芽家  
鄉勞夜夢客路又春華莫訝狂夫醉西樓酒可賒

立春夜

元虞集

輕雪作春花飛來入鬢斜紫貂迎曉霧絳螭暈晴霞書  
詔頻趨閣思歸即借車幾時將緝子隨意踏江沙

迎春日集華光祿齋中

明王輝登

椒盤出五辛下馬拂黃塵千里周南客明朝漢苑春草

生將去路花待欲歸人君有陶潛祿猶勝季子貧

五言排律

迎春東郊

唐張濯

顙頷時初謝勾芒令復陳飛仄將應節賓日已知春考  
歷明三統迎祥受萬人衣冠宵執玉壇蟬早清塵肅穆  
來東道迴環拱北辰仗前花待發旛處柳凝新雲斂黃  
山際冰開素瀝濱聖朝多慶賞希為薦沈淪

立春酬錢員外曲江同行見贈

唐白居易

下直遇春日垂鞭出禁闈兩人攜手語十里看山歸柳色早黃淺水紋新綠微風光向晚好車馬近南稀機盡笑相顧不驚鷗鷺飛

立春

唐冷朝陽

玉律傳佳節青陽應北辰土牛呈歲稔綠燕表年春臘盡星迴次寒餘月建寅風光何處好雲物望中新流水初消凍潛魚欲振鱗梅花將柳色偏思越鄉人

立春日和王翰林

元范檉

北斗紅雲上西城，皓雪邊歲華。今若此宦味，故依然節  
轄。荒冬後寒驅，夾日先樓臺。通帝極井落，散人煙登眺。  
臨無際，歡娛信有年。客情闊外地，農事庾陰田。只有傷  
絃促，那能效履穿。幾時歸櫟社，盡日接芳筵。寶鼎昇平  
瑞，金旛淡蕩妍。逶迤朱鳳集，瀟灑白鷗眠。遠業嗟何就，  
高明賴必傳。道雖沾世用，意漫逐時遷。顧遇煩頻數，欣  
榮頗倍千江湖。萬里興爛熳，百花前。

七言律

春日遊苑迎春

唐中宗

神皋福地三秦邑玉臺金闕九仙家寒光猶戀甘泉樹  
淑景偏臨建始花綠蝶黃鶯未欲舞梅香柳色已堪誇  
迎春正啓流霞席暫囑曦輪勿遽斜

奉和立春遊苑迎春應制

唐沈佺期

東郊暫轉迎春仗上苑初飛行慶杯風射蛟冰千片斷  
氣衝魚鑰九關開林中覓草纔生蕙殿裏爭花併是梅

歌吹銜恩歸路晚  
棲鳥半下鳳城來

和立春日遊苑迎春

唐盧藏用

天遊龍輦駐城闕  
上苑遲光晚更新  
瑤臺半入黃山路  
玉檻旁臨元灞津  
梅香欲待歌前落  
蘭氣先過酒上春  
幸預栢梁稱獻壽  
願陪千畝及農辰

奉和立春遊苑迎春應制

唐崔日用

乘時迎氣正璿衡  
瀟灑煙氛向曉清  
剪綺裁紅妙春色  
宮梅殿柳識天情  
瑤筐繵燕先呈瑞  
金縷晨雞未欲鳴

聖澤陽和宜宴樂年年捧日向東城

和立春日遊苑迎春

唐李適

金輿翠輦迎嘉節御苑仙宮待獻春淑氣初銜梅色淺  
和風半拂柳條新天杯慶壽齊南岳聖藻光輝動北辰  
稍覺披香歌吹近龍驤薄暮下城闈

立春

唐韋莊

青帝東來日馭遲暖煙輕逐曉風吹罽袍公子樽前覺  
錦帳佳人夢裏知雪圃乍開紅菜甲綠旛新剪綠楊絲

殷勤為作宜春曲題向花牋帖繡楣

和十二弟揚臘月立春

宋趙抃

二十四日立春節六七千里孤舟行呼兒倒酒迎春醉  
忽爾持詩祝我賡海上去年賓燕樂江頭今歲客心清  
此時極目尋春色岸柳汀蕪綠未成

立春雨

宋陳與義

衡陽縣下春日雨遠映青山絲樣斜容易江邊欺客袂  
分明沙際濕年華竹林路隔生新水古渡船空集亂鴉

未暇獨憂巾一角西谿當有續開花

立春日郊行

宋范成大

竹擁谿橋麥蓋坡土牛行處亦笙歌麴塵欲染垂垂柳  
醅面初明淺淺波日滿縣前春市合潮平浦口暮帆多  
春來不飲兼無句奈此金幡綵勝何

立春

宋朱淑真

停杯不飲待春來和氣先春動六街生菜乍挑宜捲餅  
羅襦旋剪稱聯釵休論殘臘千重恨管入新年百事諧

從此對花并對景盡拘風月入詩懷

立春日車駕詣南郊

明 李東陽

暖香和露繞蓬萊 彩仗迎春曉 殿開北斗舊杓依歲轉  
南郊佳氣隔城來 雲行複道龍隨輦 霧散仙壇日滿臺  
不似漢家還五畤 甘泉誰羨校書才

立春日

明 儘 瞳

未試春盤且洗觴 吹葭五夜待春光 催花漫剪隋宮綠  
賜酒曾沾漢署香 白髮銀旛聊作戲 青衫竹馬自成行

凌晨便有名園興獨喜喬松不受霜

立春日賜百官春餅

明申時行

紫宸朝罷聽傳餐玉餌瓊肴出大官齋日未成三爵禮  
早春先試五辛盤迴風入仗旌旗暖融雪當筵七箸寒  
調鼎十年空伴食君恩一飯報猶難

丙子立春和爾宗春讌即事

明程嘉燧

歸舠夜發促春盤少長隨肩各盡歡花鳥裝春迎宿雨  
天雲釀雪作朝寒何嫌趨走同兒戲便許風流比畫看

暈碧裁紅古來事醉痕狼藉任闌干

六言絕句

鉛山立春

宋朱子

雪擁山腰洞口春迴楚尾吳頭欲問閩天何處明朝嶺  
水南流

七言絕句

次韻文潛立春日絕句

宋黃庭堅

渺然今日望歐梅已發皇州首更回試問淮南風月主

新年桃李為誰開

立春

宋晁沖之

巧勝金花真樂事堆盤細菜亦宜人自慚白髮嘲吾老  
不上誰門看打春

立春

宋方岳

綠燕雙簪翡翠翹巧裁銀勝試春韶東風已到闌干北  
看見嬌黃上柳條

其二

池痕吹皺綠粼粼才見池痕認得春香沁彩鞭旗脚轉  
自題蘭帖記春新

立春日粧成宜春花

方岳

青旛碧勝縷金文柳色梅花逐指新却笑尚為兒女態  
寶刀剪綵強為春

立春

宋朱淑真

自折梅花挿鬢端韭黃蘭芷簇春盤潑醅酒軟橫無力  
作惡東風特地寒



御定佩文齋詠物詩選卷二十五

欽定四庫全書

御定佩文齋詠物詩選卷二十六

夏類

四言古

朱明

漢鄒子樂

朱明盛長專與萬物桐生茂豫靡有所訛敷華就實既  
阜既昌登成甫田百鬼廸嘗廣大建祀肅雍不忘神若  
宥之傳世無疆

五言古

夏日臨江

梁武帝

夏潭蔭修竹高岝坐長楓日落滄江靜雲散遠山空驚  
飛林外白蓮開水上紅道遙有餘興悵望情不終

和湘東王首夏

梁簡文帝

冷風雜細雨垂雲助麥涼竹水俱葱翠花蝶兩飛翔燕  
泥銜復落鶼吟斂更揚卧石藤為纜山橋樹作梁欲待  
華池上明月吐清光

夏

梁徐勉

夏景厭房櫳促席翫芳叢荷陰斜合翠蓮影對分紅此時避炎熱清樽獨未空

奉和夏日應令

北周庾信

朱簾捲麗日翠幙蔽重陽五月炎蒸氣三時刻漏長麥隨風裏熟梅逐雨中黃開冰帶井水和粉雜生香衫舍蕉葉氣扇動竹花涼早菱生軟角初蓮開細房願陪仙鶴舉洛浦聽笙簧

梅夏應教

隋 薛道衡

長廊連紫殿，細雨應黃梅。  
浮雲半空上，清吹隔池來。  
集鳳桐花散，騰龜蓮葉開。  
幸逢為善樂，頻降濟時才。

郊夏

唐 白居易

西日照高樹，樹頭子規鳴。  
東風吹野水，水畔江離生。  
盡日看山立，有時尋澗行。  
兀兀長如此，何許似專城。

表夏

唐 元稹

夏風多暖暖，樹木有繁陰。  
新筍紫長短，早櫻紅淺深。  
煙

花雲幕重榴艷朝景侵華實各自好詎云芳意沈

其二

江瘴炎夏早蒸騰信難度今宵好風月獨此荒庭趣露葉傾暗光流星委餘素但恐清夜徂詎悲朝景暮

七言古

白紵歌

隋虞茂

長洲茂苑朝夕池映日含風結細漪坐當伏檻紅蓮披  
雕軒洞戶青蘋吹輕幌芳煙鬱金馥綺櫨花簟桃李枝

蘭苔翡翠但相逐桂樹鴛鴦恒並宿

五言律

夏日遊目聊作

唐

駱賓王

暫屏塵囂累言尋物外情志逸心逾默神幽體自輕浦  
夏荷香滿田秋麥氣清詎假滄浪上將濯楚臣纓

夏日遊山家

駱賓王

返照下層岑物外狎招尋蘭徑薰幽佩槐庭落暗金谷  
靜風聲徹山空月色深一遣樊籠累惟餘松柏心

夏日仙萼亭應制

唐宋之間

高嶺逼星河乘輿此日過野舍時雨潤山雜夏雲多睿藻光巖穴宸襟洽薜蘿悠然小天下歸路滿笙歌

夏日辨玉法師茅齋

唐孟浩然

夏日茅齋裏無風坐亦涼竹林深筍稚藤架引稍長燕覓巢窠處蜂來造蜜房物華皆可玩花藥四時芳

夏日浮舟過陳大水亭

孟浩然

水亭涼氣多閒棹晚來過澗影見松竹潭香聞芰荷野

童扶醉舞山鳥助酣歌幽賞未云遍煙光奈夕何

夏日與崔二十一同集衛明府宅

孟浩然

言避一時暑池亭五月開喜逢金馬客同飲玉人杯舞鶴乘軒至游魚擁釣來座中殊未起簫管莫相催

早夏遊平原回

唐白居易

夏早日初長南風草木香肩輦頗平穩澗路甚清涼紫蕨行探看青梅旋摘嘗療饑兼解渴一盞冷雲漿

閒居孟夏即事

唐許渾

綠樹映青苔  
柴門向水開  
草涼初熟麥  
枕膩乍經梅魚躍  
海風起  
蠶鳴江雨來  
佳期今已晚  
日夕上樓臺

次韻屏翁初夏會芳小集

宋戴昺

一觴還一詠  
竟日醉難成  
坐石驚雲濕  
臨池愛水平  
密林宜午陰  
啼鳥尚春聲  
更有櫻桃約  
明朝且顧晴

初夏郊行

戴昺

晴雨天難測  
寒暄氣未齊  
連郊多綠樹  
終日轉黃鶲  
田

水衝塍斷山雲著地低偶隨農叟語不覺過橋西

夏日

金元好問

經月始一出移時還小勞生涯依馬磨力作問蠶繅藤  
刺清陰密楸花紫艷高雨晴看爛熳草徑莫令躋

五言排律

初夏

唐太宗

一朝春夏改隔夜鳥花遷陰陽深淺葉曉夕重輕煙哢  
鶯猶響殿橫絲正綱天珮高蘭影接綬細草紋連碧鱗

驚棹側元燕舞檐前何必汾陽處始復有山泉

奉和夏日晚景應詔

唐楊師道

輦路夾垂楊離宮通建章日落橫峰影雲歸起夕涼雕  
軒動流吹羽蓋息迴塘雜草生還綠殘花疎尚香青巖  
類姑射碧澗似汾陽幸屬無為日歡娛方未央

賦得首夏猶清和

唐張聿

早夏宜春景和光起禁城祝融將御節炎帝啟朱明日  
送殘花晚風過御苑清郊原浮麥氣池沼發荷英樹影

臨山動禽飛入漢輕幸逢堯禹化全勝谷中情

七言律

早夏寄元校書

唐司空曙

獨遊野徑送芳菲  
高竹林居接翠微  
綠岸草深蟲入編  
青叢花盡蝶來稀  
珠荷薦果香寒簟  
玉柄搖風滿夏衣  
蓬蓽永無車馬到  
更當齋夜憶元暉

夏日湖上即事寄晉陵蕭明府

唐章碣

亭午羲和駐火輪，開門嘉樹庇湖瀆。  
行來賓客奇茶味，睡起兒童帶簾紋。  
屋小有時投樹影，舟輕不覺入鷗羣。  
陶家豈是無詩酒，公退堪驚日已曛。

夏景沖澹偶然作

唐  
皮日休

祇偎蒲褥岸烏紗，味道澄懷景便斜。  
紅印寄泉慚郡守，青筐與苟愧僧家。  
茗爐盡日燒松子，書案經時剝瓦花。  
園吏暫棲君莫笑，不妨猶更著南華。

夏景無事因懷章來二上人

皮日休

澹景微陰正送梅  
幽人逃暑灑楠杯  
水花移得和魚子  
山蕨收時帶竹胎  
嘯館大都偏見月  
醉鄉終竟不聞雷  
更無一事惟留客  
却被高僧怕不來

和襲美首夏所居有作次韻

唐 陸龜蒙

柿陰成列藥花空  
却憶桐江下釣筒  
亦以魚蝦供熟鷺  
近緣櫻筍識鄰翁  
閒分酒劑多還少  
自記書籤白間紅  
更愛夜來風月好  
轉思元度對支公

和夏景沖澹偶然作次韻

陸龜蒙

蟬雀參差在扇紗竹襟輕利籜冠斜  
廬中有酒文園舍  
琴上無絃靖節家  
芝畹煙霞全覆穗  
橘州風浪半浮花  
閒思兩地忘名者  
不信人間髮解華

西巖夏日

宋林逋

蕙帳蕭閒掩敝廬  
子真巖石坐來初  
為驚野鳥巢間乳  
懶過鄰僧竹裏居  
新溜並涼侵靜語  
晚雲浮潤上殘書  
何須強捉白團扇  
一柄青松自有條

夏日

宋張耒

黃簾翠幙斷飛蠅  
午影當軒睡未興  
枕穩海魚鑄紫石  
扇涼山雪畫青縷  
廊陰日轉雕闌樹  
坐冷風生玉盤冰  
滿案詩書塵蠹甚  
故應疎懶過炎蒸

幽居初夏雨霽

宋陸游

楸花棟花照眼明  
幽人浴罷葛衣輕  
燕低去地不盈尺  
鵲喜傍檐時數聲  
對奕軒窓消永晝  
 曬書院落喜新晴  
忽驚重午無多日  
綵縷纏筒弔屈平

初夏道中

陸游

桑間葚熟麥齊腰鶯語惺惺野雉騎日薄人家曬蠶子  
雨餘山客買魚苗豐年隨處俱堪樂行路終然不自聊  
獨喜此身強健在又搖團扇著綺蕉

東湖夏景

元楊載

夏月湖中爽氣多南風疊疊捲長波漁人舟楫衝頰藻  
遊女衣裳擗芰荷鱠切銀絲嘗美味腔傳金縷換新歌  
使君用意仍深遠即此光華豈滅磨

和棟縣梁公輔夏夜泛東湖

元袁士元

短棹乘風湖上遊  
湖光一鑒湛于秋  
小橋夜靜人橫笛  
古渡月明僧喚舟  
鴛浦藕花初過雨  
漁家燈影半臨流  
酒闌興盡歸來後  
依舊青山繞客樓

夏日山居

袁士元

枕上初殘柏子香  
鳥聲簾外已斜陽  
碧山過雨晴逾好  
綠樹無風晚自涼  
芳歲背人流荏苒  
好詩和夢落蒼茫  
求羊何不來三徑  
門掩殘書滿石牀

夏日飲山亭

元劉因

借住郊園舊有緣。綠陰清晝靜中便。空釣坐釣魚亦樂。  
高枕卧遊山。自前露引松香來。酒盞雨吟花氣潤。吟箋人來每問農桑事。攷證床頭種樹篇。

夏日雜興

明 劉基

層樓迢遞俯清郊。天際羣山檻外交。日暖水禽鳴。哺子風輕沙燕語。尋巢綠荷雨洗藏。龜葉翠竹烟寒集。鳳梢可歎仲宣歸未得。苦吟終日倚衡茅。

首夏即事

明 顧清

金獸香殘晝漏稀嫩槐亭院午風微蜜房分子蜂初靜  
書閣垂簾燕自飛小碾試茶催淪鼎輕刀裁葛已成衣  
故園遙憶三江外梅豆青青荀過扉

夏日應制

明王鏊

水晶宮殿晝沈沈別院春歸碧樹深南陸迎長欽馭日  
東皋旱久望為霖歷中星火修堯令絃上薰風識舜心  
樂務了時多暇日試開黃卷一披尋

仲夏閒居

明居節

樹底柴門不浪開  
松釵竹粉半青苔  
分田水新裁稻黃  
入園林已熟梅小艇送僧籠鶴去  
片雲載雨過湖來  
夕陽山好詩難就夜合花前費討裁

五言絕句

夏日山中

唐 李白

嬾搖白羽扇裸體青林中  
脫巾挂石壁露頂灑松風

雜言

唐 司空曙

伏餘西景移風雨灑輕綺燕拂青蕪地  
蟬鳴紅葉枝

孟夏

唐賈弇

江南孟夏天慈竹筍如編蜃氣為樓閣蛙聲作管絃

仲夏

唐樊珣

江南仲夏天時雨下如川盧橘垂金彈甘蕉吐白蓮

季夏

唐范鎧

江南季夏天身熱汗如泉蚊蚋成雷澤袈裟作水田

夏

金宇文虛中

草徑迷深綠池蓮浴膩紅早蟬鳴樹曲鮮鯉躍潭東

七言絕句

夏日宴九華池

唐  
陳 羽

池上高臺五月涼  
百花開盡水芝香  
黃金買酒邀詩客  
醉倒檐前青玉牀

夏晝偶作

唐  
柳宗元

南州溽暑醉如酒  
隱几熟眠開北牖  
日午獨覺無餘聲  
山童隔竹敲茶臼

香山避暑

唐  
白居易

紗巾草履竹疎衣  
晚下香山踏翠微  
一路涼風十八里  
卧乘藍輦睡中歸

藥名離合夏日即事

唐  
陸龜蒙

避暑最須從朴野  
葛巾筠席更相當  
歸來又好乘涼釣  
藤蔓陰陰著雨香

和藥名離合夏日即事

唐  
皮日休

桂葉似葦含露紫  
葛花如綬蘸谿黃  
連雲更入幽深地  
骨錄間攜相獵郎

夏日

唐韓偓

庭深新陰葉未成玉堦人靜下簾聲相風不動烏龍睡時有幽禽自喚名

山亭夏日

唐高駢

綠樹陰濃夏日長樓臺倒影入池塘水晶簾動微風起滿架薔薇一院香

夏日城中作

唐僧齊已

竹低莎淺雨濛濛小檻幽窓暑月中有境牽懷人不會

東林門外翠橫空

暑中閒詠

宋蘇舜欽

嘉果浮沈酒半醺  
牀頭書冊亂紛紛  
北軒涼吹開疎竹  
卧看青天行白雲

夏意

蘇舜欽

別院深深夏簟清  
石榴開遍透簾明  
樹陰滿地日當午  
夢覺流鶯時一聲

夏日

宋宋伯仁

泓泓圓碧漾新荷，獮獮斜風顫綠莎。  
農事正忙三月後，野田齊唱插秧歌。

初夏

宋  
范成大

清晨出郭更登臺，不見餘春只麼回。  
桑葉露枝蠶向光，菜花成羨蝶飛來。

閒居初夏午睡起二絕句

宋  
楊萬里

梅子留酸軟齒牙，芭蕉分綠上窓紗。  
日長睡起無情思，閒看兒童捉柳花。

其二

松陰一介半弓苔偶欲觀書又懶開戲拗清泉灑蕉葉  
兒童誤認雨聲來

夏日閒坐

宋徐璣

無數山蟬噪夕陽高峯影裏坐陰涼石邊偶看清泉滴  
風過微聞松葉香

小滿

元元淮

子規聲裏雨如煙潤逼紅綃透客氈映水黃梅多半老

鄰家蠶熟麥秋天

山居首夏

元李祁

東風滿意綠周遭乍著單衣脫敝袍最愛晚涼新浴罷

坐着春筍過林高

夏日閣中入直

元周伯琦

金鋪蹲獸鑰銜魚碧樹沈沈白玉除留後命嚴番直肅

五雲深處掌圖書

其二

冰盤堆果進流霞中秘繙餘夕景斜畫舫竟從園殿過  
鳳麟洲上數荷花

水軒夏日


元馬臻

碧窓畫寂幽意長竹陰滿地琴樽涼輕雷送雨遠不到  
雪白水花生晚香

夏景

明宣宗

暑雨初過爽氣清玉波蕩漾畫橋平穿簾小燕雙雙好  
泛水閒鷗箇箇輕



欽定四庫全書

御定佩文齋詠物詩選卷二十六

御定佩文齋詠物詩選卷二十六

欽定四庫全書

御定佩文齋詠物詩選卷二十七

立夏類

五言律

久雨喜晴明日立夏

明 胡儼

一月厭雨聲忽逢今日晴春從花上去風過竹間清睡  
美新茶熟身閒野服輕近來多坦率客至倦逢迎

山中立夏即事

明 蔡汝南

一樽開首夏獨對落花飛  
幽僻還聞鳥清和未換衣綠  
帷槐影合香飯藥苗肥  
盡日柴門啟蠶家過客稀

七言律

立夏日晚過丁卿草堂

明 周南光

江上茅堂柳四垂又逢旅次過春時  
雨多苔蝕懸琴壁  
水滿蛙生洗硯池  
風浦蕭蕭帆過疾煙空漠漠  
鳥來遲避喧心事何人解  
忘下幽篁許獨知

立夏日山中遍遊後夜宿劉邦彥竹東別墅

明沈周

乍認東莊路不真有橋通市却無鄰山窮借看堂中畫  
花盡來尋竹主人爛熳箋麻發新興留連櫻筍送殘春  
與君再見當經歲分付清商緩緩巡

御定佩文齋詠物詩選卷二十七